

2141

CODICES

2142

tinalis seu *Lectioarii B. Mariae* Codice praeced. relati, illi, quoad omnia, conforme, nisi quod Indicem alphabeticum habet, qui partim ante, partim post Opus recentius additus est. Ne profus ἀσυμβολος ab hac Compilatione discedam, vide, quo pia simplicitas deducere possit. *Fol. 61.* in *Lect. 3. Ferae IV. post Dom. Palmar.* inducitur Mater Christi mortem Filii plangens, et inter alia exclamans: *Nichil aliud restat, nisi ut me interficiam.* Advertit id quendam Lectorum, qui in margine monet: *Hic dic caute de interfectione marie.* In Textu nihilominus praevie *Augustinus* citatur, quod ego *Librarii* lapsum habeo; nam paullo supra *Augustinum* *Lectioes* sumtae dicuntur *Ex planctu Anselmi*, spurio videlicet illo Dialogo, quem quidem etiam *Gerberonius* in *Adpend. Opp. Anselmi* repraesentavit, immunem tamen ab illa blasphemia.

DCCCXCIII.

R. 1413 Codex membraneus lat. Sec. XVI. Folior. 36. 8. ad imitationem characteris *Aldini*, quem *italicum*, seu *cursum* dicimus, summo nitore exaratus, marginibus omnibus auro, coloribusque auro punctatis ad eum modum jucundissime lemniscatus, qui hodie *Arabesque* audit, Precatorius est, ita inscriptus: ΧΡΙΣΤΕ ΒΟΗΘΗΣΟΝ. *Officium Beatæ Mariae Virginis Secundum Consuetudinem Sanctæ Romanæ Ecclesiæ A Pu-*

rificatione Vsque Ad Adventum. In hac et pluribus aliis Inscriptio- nibus non nisi aureae et miniatae literae alternant. *A fol. 33.* succedunt *Officium S. Crucis* et *S. Spiritus* eodem profus cultu. Ad quem porro *Κεϊμηλιον* istud referendum fit, prima *Officii* Litera *D* docet. Occupat ejus aream tiara pontificia et clavibus *S. Petri* superimpositis Insigne *Familiae Mediceae*, circumque illud legas: *Pius III. Pont. Max. Anno II. 1561.* Idem nomen *fol. 1. 8.* et *13.* inter ornamenta marginum comparet. Habemus igitur *Job. Angelum e Medicis Mediolanensibus* ad Papatum evectum exeunte anno *1559.* Synodi *Tridentinae* finitorem et defunctum anno *1565.* An vero *Officium* nostrum in usus proprios scribi fecerit, an cuidam ex augusta Domo nostra donum dederit, nihil adnotatum reperio, nec conjectare aliquatenus possum.

DCCCXCIV.

Codex membraneus lat. Sec. R. 2180 XIV. Folior. 218. f. forma paene quadra, characterem atro, luculento splendide exaratus, coloribus et initiorum picturis decoratus exhibet *I. Martyrologium Ursuardi Monachi S. Germani de Pratis* ab eo *Sec. IX.* dicatum *Carolo Calvo*, cujus optimas Editiones habemus *J. B. Sollerii S. J.* et *Jac. Bullarti O. S. B.* Exordium nobis non a *Vigilia Natalis Domini*, sed a *kal. Januariis* ducitur, ita: *Cir-*

2143

LITURGICI.

2144

Circumcisio domini nostri ihesu christi. Rome almachii martiris. qui iubente urbis praefecto &c. Miror hic, ubi de S. Concordio Mart. sermo est, in nullis Mss. Sollerio veram occurrisse lectionem: ac fame post in carcere maceratus; habet enim ferro. Pridie kal. Jan. extrema sunt: Renarie sancti hermetis exorciste. Et aliorum. Retiariae legit Sollerius, qui tamen in Codicibus etiam Reuarium invenit.

II. fol. 150. Incipit prologus regule beati benedicti abbatis; cum ipsa Regula, prout multoties et separatim, et v. g. in Bibliotheca PP. Lugd. T. IX. in Lucae Holstenii Codice Regularum denuo edito a Mar. Brockie Aug. Vindel. 1759. T. I. p. 113. f. extat. Initium: *Ausculata, o fili, precepta magistri &c.* Capita nobis non nisi Rubricis impositis numerantur. Lectionis varietas non deest. Ita. C. 2. *Qualis debet esse Abbas* pro repetito barbaro meminere semper nobis latinus meminisse. Extrema sunt: *deo protegente pervenies.* At nunc continuo Rubrica de forma uisitacionis sequitur trifariam secta. Sectio I. incipit: *In facienda uisitacione cautelam maximam &c.* 2. *Ex nimietate debitorum non tam periculum &c.* 3. *Ut conscienciis personarum et boni ordinis &c.* Unde haec petita? Ex *Nomastico Cisterciensi*, sive Antiquioribus ejus Ordinis Constitutionibus, quas collectas Julianus Paris Abbas edidit Paris. 1664. f. Invenies ibi I. Sectionem Parte II. Dist. 8. p. 533. Sectionem 2.

et 3. Parte I. Dist. 7. p. 318. Additur in Codice Formula *Excommunicationis Conspiratorum, Incendiariorum, Furum et Proprietariorum*, atque haec ferenda singulis annis in *Ramis Palmarum* praecipitur Parte ead. Dist. 6. p. 311. Quid hinc porro concludendum? Pictura *Martyrologio* praefixa Reginam ingeniculatam precantem exhibet, praefixa *Regulae Benedicti* per medium secta superiori parte S. Patriarcham sedentem adstante Monacho Regulae Codicem tenente, inferiori Reginam sedentem cum Libro procumbentibus ante eam duabus sacris habitu pullo virginibus velatis. Igitur rursus *Elisabetham* Viduam *Wenceslai* et *Rudolfi* saepe laudatam habemus hoc quoque Codice Parthenonem suum *Cisterciensem Brunnae* conditum donantem, quae, ut vult *Hagecius*, *Reginaebradecii* mortua apud suas condi voluit, teste *Anonymi Chronico* in *Gel. Dobneri Monum. Hist. Bohemiae* T. III. p. 55. 4. a. 1334. ut adeo fallatur *Gasp. Jongelinus*, qui *Notitiae Abbatiar. Ord. Cist. Colon.* 1640. f. L. V. p. 49. in ejus Epitaphio annum mortis 1376. adsignat.

DCCCXCV.

Codex membraneus lat. Sec. R. 2156
XIV. Folior. nunc 202. fol. max.
per duas columnas caractere
luculento, atro magnifice per-
scriptus, coloribus illustratus, et prae-
cipuorum Festorum initiis pictura
deaurata splendidus est *Pars I.*
Leſio-